

ANSPOTGEOEI agnotemagen-tjijtj — mei 6 tes. — tapositjig tjim-mogog sôgoatitjig nipogtog gemotjegetjig, na nipogtogo pegisinititj pôgtji temtatitji oisgôgô ag lôg gelolgel nepatotitela, na getgonitjig na oapg ap matjatitjig na gesg pematititj notoatitel oôgoisiel me-teoogailitel na nogô nengatitjig goetjinematitel, gesg garmititj na nemiatitel aptjetjilitel oôgoisiel na pôgtetesgoatitel glapis pitesgo-atitji gemotjigtogoa na tealgôlatitji asogôm tesilitji oetjiaitjia ag na ngotio metôgoatitjig, na paseg îapogonag teli pgitji gogonatitega na gagi ntisgetotitega tjipalatitji ogagi nenaneoap npotilina, gato mo lnim megi msenatigoiga paseg \$10.00 neogtetjijtjela, gato me atji pgitji gogonatipen msenemitisôgo \$25.00 neogtetjilitjela teliana mset megôlittjig, gato nogog na gelolg tan telogoetitj tjinemtjijtjga Misel Palio ag Glistepel Magni migma-ga. Nin M. P.P.

LISTOGOTJG mitjoatitjig mse-ntag mesgig piltoi gemnieoti 8 tesogonilitj pieleoimgeoei tepgenoset, tôgo 13 tes. li mitogoatemotitag Sent Antoneoei alasotmôgoôm-tjijtj. Sagmao Scoles tan notjôtg gasaoôg aogti getoi oleioaseni ota-naogtin tan teli papgitalitj, tet oetji moialot.

PIGOP — me 26 tes. — tjinemag nepgag olagoa teloisit San Palao tlei lno menigog, gsin pitaoasip, otosel natel etli npegag, sag gesin-ogootag.

Aptj piteo me 25 gteg elpatosag nepgag teloisitag Oelli Tjôo pigôp tlei ag tetotjig 18 tesiponat.

MALIGOMITJG ma gisi tlenog tan telepeg, temg sageoegig Inogig tan telecitp? maoi gsatemiti-peneg otanemoôoeg ag alasotmag-erog maocalogitepeneg ag maoi gsatemititeg, gato mset otinineoôoeg etli ngatemititeg maligômitjig. Negemôo gisgog oasôg eigig, gesate-mitip alasotmagn ag gisi maoi gsaltoltipenig. Nige gisgog maoi eoletjig maligômitjig tan teli nset-naganigep; gato oelteg alasotmô-goôm gelolg tan teloisig gepmeg gogomitjino Setan oitjoisontititj. Tôgo nin maligômitjigeoatjoi teli oelteg notjigig gisitaitip otjît na-pimteman, tôgo môge nemito ne-pai istege tan oan oeliag epogtjig

togiei gesgemenag pigoeltenog pi-lei gemotj saglienog ntotanemg ag tan tesegep sagligegele maoi mse-gig maoi alasotmamg oetjgeoiag otanigtog setaneoimng maligômitjig. Tôgo maligômitjigeoatj teli npat tan gepmeg pesemgeoei getoi gag-matasit migoitagnei pesemgeoei. Gotjinoag gtjipatlasiag sapeoitag Migtanelôg naglatjel ogmatasilin maligômitjigeoei otan lnoi menigog otgotagenegatigtog setaneoimng 1913, peoatasig epogtjig otogien maligômitjigeoatj, meta epogtjig na igateo na nagoeg setaneoimng; oeliag epogtjig pôgtji nestoi togie-tja, oeliag togietj gesg mo geto-nog sisoagigen setaneoimng egsitpog petaosolting Gisolg ignemolg mal-igômitjga.

Nin Maligômitjigeoatj.

#### NOTJINEM OASOG EPIN.

Gisi gitemeg otjît gsispasoega-tig epoltitjig. Sapeoit Megtil gisi gemnieoiteg notoasanel Sesosel telimsepenel ogtapôgônemoan nepo-tilitji: "Geseg gil gim Eogtjieg otjet negemôo". This p tôg teli o-lasotmas ag nemiteoi pigoemotji oasôgopisgoetalin. Neoisag atje-teoei alasotmamgeg listigotjig 16 ag 17 tesogoniteg Mali tepgenoset teli eome sep Oestaolg oplaganeg.

1. Notjinen oasôg epin, teli gsal-oen, etamoleg gtapigsigtemoan eo-letjoltitjig mtjijtjagamitjig tanig môgoe oatjoi gsitelmologoig gil teli gelosin ag eolitetegen, meloitj posgi aoantasoalesgig ag mitagal-essgig ogoamlamonoag tan teli getoi aptagatemosep.

Getoi ilatoeg teli ôplalesesenig gesmenemolegel petjili gsalgosit gois Sesos teli gsitelmesg ogsitga-mog pemieteg ag elp ola patgoi a-lamesigaganigtog. Tôgo gil Nis-gam Sesos eolitelem gsispasoega-tig epoltitjig.

2. Tjigtog teloisin megitetemeg. Aptj ipattamoleg, Nenisgaminen, gtapigsigtemoan eoletjoltitjig mtjijtjagamitjig tan teli peli mgitetemi-tis teloisin, aosis oitemitis, pisoi eloitemasoltitis, tjel etog netagite-temitis otalasotmeoinoltineo.

Telgig getoi ilatoeg gesmenemol-egel Oestaolg teli gtjisaepoit, teli gsi logôoesges, metj agnimesges pemaogsitg. Tôgo gil Nis-gam Sesos.